

(9) RUNYANKOLE/RUKIGA LEAFLET ON JESUS CHRIST IS COMING BACK.

Abisheemwe Omuri Yesu

EBIKURU NAMAZIMA GA BAIBULI

YESU KRISTO NAGARUKA!

2. Nitumanya tuta ngu Yesu aryagaruka?
3. Nibumanyiso ki bw'obwire?
4. Kristo akaba namanyisaki, obuyagamba ngu tushabe tuti: "Obukama bwawe bwije"?
5. Ruhanga atekateekire ki ensi?

Ebi nibyo bimwe ahabibuzo ebiturateekateekeho omu katabo aka. Kashome na Baiburi

Noteekateeka tikiyakubaire eky'okutangaza? Yesu yagaruka omunsi. Akatukirize aburwaire, atuyamba, atwebembera – ebintu byona ebi abebembezi baitu ebibatarikubaasa kukora. Amakanisa mingi gashemereire kukyegyesa, kwonka itwe, abisheemwe omuri Kristo nitubyikiriza buzima. Buzima, wayeshomera Baibuli noija kumanya ngu: **YESU KRISTO NAGARUKA.**

Nituhama ku Baiburi erikugira ngu aryagaruka omunsi egi eyekibi, agihindure kuba nungi munonga n'okukiraho. Endagaano enkuru ekatebeka abantu ahakwija kwa Kristo okw'okubanza, erikubagambira eyi arizarirwa, nebi arija kukora, hamwe n'oku arifa. Endagaano ensya n'etugambira, omuringo nigwo gumwe bingi omu kugaruka kwe okumurundi gw'akabiri, ensi okweriba neshusha, ekya rikwija kukora, n'obushoborozi bwe omubukama obwaritaho.

Baibuli tekwahura ebitabo bibiri, Endagaano Enkuru n'Endagaano Ensya. Baiburi n'ekitabo kimwe. Kine obutumwa bumwe: "YESU KRISTO NAGARUKA".

ENDAGAANO

Omukitabo ky'okutandiika okuruga ahamutwe gwa 12 okuhitsya ogwa 25, nitumanyisibwa ngu Ruhanga akatorana omuntu omwe omubandi, yamuraganisa ngu ensi yoona eryahebwa omugisha omuriwe. Eiziina rye akaba ari Abrahamu, kandi endagaano egi akagigarukamu ahari mutabani we Isaaka, hamwe n'omwijukuru

Yakobo – owu yayasire Israeli. Omubwire bugufu eka egi emwe y’ebika ikumi na bibiri ekarugamu eihanga ryamaani, kandi Ruhanga yayongyera kuraganisa bamwe omuka egyo omurundi gutari gumwe.

Mariamu, nyina wa Yesu, akaba naruga omurunyiriri rw’eka egi, kandi obwire obu Yesu yazarirwamu, abantu baingi aba Israeli bakaba bategyerize omujuni kandi Omugabe. Bakaba nibamanya ebyaraganisibwe kandi bategyerize Omuntu owamaani okubajuna aba Roma ababaire nibabategyeka, kandi abaase kuba omugabe wabo.

Ebi nibyo bimwe ebi Ruhanga yaganise Israeli:

- Baryahungura eitaka rya Israeli ebiro byona. (Okutandiika 13:15).
- Enju y’omugabe Daudi n’obugabe bwe buryaba obw’ebiro byona. (2 Samueli 7:16)
- Omuri ebyo biro Yuda aryajunwa kandi Yerusalumu etuure buhooro (Yeremia 33:16).

Yesu kuyahikize emyaka 30 y’obukuru, yayorekwa omu bantu ba Israeli nk’omwana wa Ruhanga. Baingi babaikiriza ku yabaire aizire kuba Omujuni kandi Omugabe waabo, kwonka abebembezi abaingi tibaramwikirize. Bakaba batarikumanya nari okwikiriza, eki Ruhanga yaganise Mariamu nari ebi bamaliaka bagambire abariisa. Abebembezi bingi tibarikirize omubyamahano by’okukiza nari omubigambo bye ebya maani.

Omumyaka eshatu n’ekicweka bakaba bamazire kwehanangiriza abategyeki Abaroma kumwita. Nangwa n’abeegi bakamureeka bahuunga.

OKUZOOKA

Kwonka Yesu taragumire afiire! Ruhanga akamuzoora omukituuro, yamuha amagara amasya ag’omutano. Kandi tarigaruka kufa – obwahati Kristo aine omubiri ogutafa. We wenka akegambaho ati: “Mpairwe obushoboorozi bwona omu Iguru n’omunsi”. Eki nikyoreka ku ari Omujuni kandi Omugabe. Egi ekaba eri entandiikiriro.

Yesu amazire kuzooka, tararebirwe muntu weena owabaire atarikumwikiriza. Omugisha gwabo gw'okumubuza ebibuzo n'okumurwanisa gukaba gwahwire. Abeegi hamwe nabo ababaire nibamukurata bakamureeba kandi bagamba nawe. Kuyamazire ebiro 40 amazire kuzooka, yatamba omu Iguru, yasiga kimwe ahabyaraganisibwe ebyabaire birakozirwe.

“Yesu ogwo owaabaihwaho akatwarwa omu iguru nikwo arigaruka nk'oku mwamureeba natemba omu Iguru” (Ebyakozire 1:11).

Eki tikikabaireho. Kwonka omubuhikire nobaasa kureeba enteekateeka ya Ruhanga, ku Yesu Kristo arihikiriza ebyaraganisibwe kandi akagaruka omunsi.

OKUGARUKA KWE

Hati nituza kureeba bikye ahabyahandiikirwe tubaase kutunga ekishushane.

1. Ruhanga akagira gu amahanga goona omunsi garyahebwa omugisha omu ruzaaro rwa Abrahamu (Okutandiika 12:3).
2. Omugabe w'ensi yoona aryasibuka omuruzaaro rw'Omugabe Daudi (Luka 1:32).
3. Omugabe aryafa kwonka tariguma afiire (Zaaburi 16:8-11)
4. Ahakugaruka kw'omwana wa Ruhanga ensi eyomire erarabya ebirabyo n'endwara zikizibwe. (Isaaya 35)
5. Ensi yoona eryategyekwa omwana wa Ruhanga, kuruga Yerusalemu (Isaaya 2:2-5). Eki nikituhimiriza kimwe ngu kuruga omukutandika, enteekateeka ya Ruhanga ekaba eri okutuma Omwana we nk'Omujuni kandi Omugabe. Okuzaarwa kwa Yesu hamwe namagara ge aguyamazire nago ari omunsi kukaba kuri okubasisa abantu okumumanya, naitwe tubaase kwikiriza ebyo ebyaraize kukora yaheza kugaruka.

YESU NAKORA KI HATI?

Yesu ari omu Iguru, ahamukono gw'aburyo gwa Ruhanga, arikuteekateekyera obukama bwe. Nikyo yatugambire ngu tushabe tuti, “Obukama bwawe bwije”.

Omubwire butari hare, nibwija kwaija. Yesu naija kugaruka ari kuruga omu Iguru ateho Obukama bwa Ruhanga omunsi. Aryazoora abafiire, Ensi agihindure busya, ashutame ahantebe ya Daudi omuri Yerusalemu.

OBUMANYISO

Ruhanga tarayorekire kiro obu ebi biribaho, kureeka akaha obumanyiso okutworeka obuturamutegyereze. Ahaifo hariho bikye “ahabunaabi” obu Baiburi erikugambaho aha kugaruka kwa Yesu.

1. Abayudaya baryagaruka owabo Israeli (Yeremia 23:5-8). Eki kibaire nikibaho omubiro byaitu.
2. Emirabanamu omunsi yoona eryamanywa buri omwe (Luka 21:25-27). Eki nakyo namazima omubiro ebi.
3. Amahanga maingi omunsi garyatinisibwa kandi garumbwe Israeli (Zekaria 14:1-11). Tushemerire kuguma nitureeba ahakuba eki kirihaihi kubaho. Kirebekire ngu obwire obuturimu butandikire kworeka ku okugaruka kwa Yesu omunsi kuri haihi. Titurikumanya kiro ki obu aragaruke, kwonka nitureeba ebirikugyenda nibibaho omunsi. Obunaabi nibwija buri kuhikirira. Abayudaya bakaizirizibwa kuruga Russia (Reeba Yeremia 23:8). Obu nibwo bunaani obumwe obweyongire ahari ebyo ebibaire nibibaho.

Mbwenu iwe noiya kukoraki? Noza kutegyereza kuhisya obu aragaruke otakagizire eki washazireho? Nobaasa kweshanga obwire bwakusigire. Abaisheemwe omuri Kristo nibagezaho kworobera okwetwa kw'engiri, hamwe n'okweteekateekyera omujuni kandi Omugabe waitu. (Omururimi rw'ekiyonani, omundagano ensya, Yesu – nirimanyisa 'Omuji' kandi Kristo nirimanyisa Omugabe).

Noyenda kweteekateekyera okugaruka kwe?

Nonda ngu tukwoherereze akatabo kandi ahamazima ga Baiburi?

YESU KRISTO NAGARUKA.

Tumanyise waba noyenda kumanya ebirikuraho ahakwegyesa kwa Baiburi, nenyikiriza yana Isheemwe ba Kristo.

Yebuze abaisheemwe omuri Kristo abakuri haihi nari handiikira:

CHRISTADELPHIAN BIBLE MISSION

404 Shaftmoor Lane, Birmingham B28 8SZ, UK

OR

CHRISTADELPHIAN (REGIONAL OFFICE - MPARABA)

